

山谷詩別集補目錄

四月末天氣陡然如秋遂御袂衣游北沙亭觀江漲熙寧元年

同宋景瞻分題汴上行熙寧五年

梨花元豐二年

題醒心軒元豐六年

承示中秋不見月及憫雨連作恐妨秋成奉次元韻元豐七年

書王氏夢錫扇元祐二年

謝王炳之惠茶元祐二年

和答劉中叟殿院元祐二年

伯時彭蠡春牧圖元祐三年

題伯時馬元祐三年

題東坡竹石元祐三年

觀劉永年團練畫角鷹元祐三年

題王晉卿平遠元祐三年

大暑水閣聽晉卿家昭華吹笛元祐三年

癸酉八月同百丈肅禪師溫湯作小詩呈九仙舜公長老元祐八年

竹枝詞二首紹聖二年

詠子舟小山叢竹元符二年

次韻斌老冬至書懷示子舟篇末見及之作因以贈子舟歸元符二年

戲題斌老所作兩竹梢元符二年

奉次斌老送瘦木棋局八韻元符二年

題石恪畫機織圖元符三年

以皮鞭底贈石推官三首元符三年

次韻錢德循鹿苑灘鱗舟有作建中靖國元年

范德孺須筆哀諸工佳者共成十枝分送崇寧二年

予去歲在長沙數與處度元實相從把酒自過嶺來不復有此樂感歎之餘戲成一絕崇寧四年

宋本豫章黃先生別集二十卷黃子耕跋云先太史別集皆今豫章前後集未載蓋李氏所編多

循洪氏定次舊本。故毀壁序所以不錄。而承天塔院記。實兆晚年之禍。亦復遺逸。營不肖。竊聞先訓。用是類次家所傳集。博求散亡。得詩七十六首云云。嗣是有得。當附益之。淳熙壬寅二月旦。諸孫營謹識。按此別集詩。與史季溫注者不同。今以任史注三集所無者二十八首。抄爲一卷。其題下注。依分甯新刻本。謝啓昆識。

山谷詩別集補

四月末天氣陡然如秋。遂御袂衣游北沙亭觀江漲。

熙寧元年葉縣作。

沙岸人家報急流。船官解纜正夷猶。震雷將雨度絕壑。遠水粘天吞釣舟。甚欲去揮白羽箠。可堪更着紫茸裘。平生得意無人會。浩蕩春鉏且自由。

同宋景瞻分題汴上行

熙寧五年國子監教授作。

東風何時來。院柳芳且柔。河冰日已銷。漫漫春水流。寒梅未破萼。芳草綠猶稠。歲月不我還。念此人生浮。高車無完輪。積水有覆舟。鹿門不返者。誰得從之遊。

梨花

元豐二年北京作。

巧解逢人笑。還能辭蝶飛。清風時入戶。幾片落新衣。

題醒心軒

元豐六年太和作。慧恩寺清山主開窗于礧坊竹陰。余命曰醒心。

盡日竹風談法要。無人竹影又斜陽。他時若有相應者。莫負開軒人姓黃。

承示中秋不見月及憫雨連作恐妨秋成奉次元韻

元豐七年

秀稻秋風喜太平。獨疑連雨未全晴。銀蟾似亦無聊賴。默度寒宵嬾吐明。

書王氏夢錫扇

元祐二年
秘書省作

壓枝梅子大於錢。慚愧春光又一年。亭午無人初破睡。杜鵑啼在柳梢邊。

謝王炳之惠茶

元祐二年
秘書省作

平生心賞建溪春。一邱風味極可人。香包解盡寶帶勝。墨面碾出明窗塵。家園鷹爪改嘔冷。官焙龍文常食陳。於公歲取壑源足。勿遣沙溪來亂真。

和答劉中叟殿院

元祐二年
秘書省作

平生劉宗正。聞有湖海氣。黃石與兵書。雷震鎖胸次。跨馬開武溪。鞭弓作文吏。守祿仁九族。璫玉詔萬世。去乘御史驄。權貴斂手避。時時侵諫草。頗用文章戲。風人託草木。騷客拾蘭蕙。傾懷謝僚友。句法何莊麗。諸公遊蓬壺。賤子濫末至。風流餘翰墨。想見經行地。烏啼霜臺柏。岑絕不可詣。義義觸邪冠。此中有餘事。鑒國妙藥石。立朝極涇渭。餘子蠶青簡。走亦行幘被。

伯時彭蠡春牧圖

元祐三年
祕書省作

岳陽樓上春已歸。湖中鴻鴈拍波飛。布帆天闊隨鳥道。石林風晚吹人衣。春水初生及馬腹。浮灘欲上西山麓。遙看絕嶺秀雲松。上有垂蘿暗谿谷。沙眠草嚙性不驕。側身注目鳴相招。林間瞥過星燦燦。原上獨立風蕭蕭。君不見中原真種胡塵沒。南行市骨何倉卒。祇收力健載征夫。肯向時危辨奇骨。卽今貢馬西北來。東西坊監屯雲開。紛然驚驥同一秣。爾可不憂四蹄脫。

題伯時馬

元祐三年
祕書省作

我觀李侯作胡馬。置我敕勒陰山下。驚沙隨馬欲暗天。千里絕足略眼跨。一作過自當初駕沙苑丞。豈復更數將軍霸。李侯今病廢右臂。此圖筆妙今無價。

題東坡竹石

元祐三年
祕書省作

怪石岑崑當路。幽篁深不見天。此路若逢醉客。應在萬仞峯前。

觀劉永年團練畫角鷹

元祐二年
祕書省作

劉侯才勇世無敵。愛畫工夫亦成癖。弄筆掃成蒼角鷹。殺氣稜稜動秋色。爪拳金鉤鶩屈鐵。萬里風雲藏勁翮。兀立槎枒不畏人。眼看青冥有餘力。霜飛晴空塞草白。雲垂四野陰山黑。此時軒然盡飛去。何乃噴帆立西壁。祇應真骨下人世。不謂雄姿留粉墨。造次更無高鳥喧。等閑亦恐狐狸嚇。旁觀未必窮神妙。乃是天機貫骨髓。瞻相突兀摩空材。想見其人英武格。傳聞揮毫頗容易。持以與人無甚惜。物逢真賞世所珍。此畫他年恐難得。

題王晉卿平遠

元祐三年。
祕書省作。

風流子晉罷吹笙。小筆溪山刮眼明。相倚鴛鴦得偃嘆。一川風雨斷人行。

大暑水閣聽晉卿家昭華吹笛

元祐三年。
祕書省作。

蘄竹能吟水底龍。玉人應在月明中。何時爲洗秋空熱。散作霜天落葉風。

癸酉八月同百丈肅禪師溫湯作小詩呈九仙舜公長老

元祐八年丁。
母喪歸家作。

九仙漚和湯。浴此二水牯。主人無施心。冷暝各得所。道途開十方。瓢杓汲萬古。欲問源從來。大雄山有虎。

竹枝詞二首

紹聖二年。

三峽猿聲淚欲流。夔州竹枝解人愁。渠儂自有回天力。不學垂楊繞指柔。
其二

塞上柳枝且莫歌。夔州竹枝奈愁何。虛心相待莫相誤。歲寒望君一來過。
按紹聖二年公在夔州。故詩中皆有夔中竹枝語。

詠子舟小山叢竹

元符二年戎州作。

病竹猶能冠叢。夏篁解籜恩。細草因依岑寂。小山紫翠嵌空。

次韻斌老冬至書懷示子舟篇未見及之作因以贈子舟歸

元符二年戎州作。

二宗性清真。俱抱歲寒節。常思風雲會。爲國奮忠烈。道方滄波積。位有豺虎竊。夫婦相魚肉。關中一丈雪。北風夜淅淅。竹枯松柏折。秦來拔茅連。并收寒泉冽。天地復其所。我輩皆慰愜。何爲對樽壺。似見小敵怯。大宗垂紫髯。貴氣已森列。小宗新換骨。健啗頗腴悅。昨宵連環夢。秣馬待明發。寒日一線長。把酒相喻說。人生但安樂。逢世無巧拙。斑衣戲親庭。不作經年別。猶有未歸心。遠寄丁香結。

戲題斌老所作兩竹梢

元符二年戎州作。

老竹帖妥不作奇。嫩篁翹動風枝。是有目世不知。吾宗落筆風煙隨。

奉次斌老送癭木棋局八韻

元符二年
戎州作

均工運斤斧。蟠木破權奇。離離稻田畦。日靜波文稀。居然有心作。箇是偶爾爲。正當合戰地。仍有曳尾龜。膠漆與顏色。金銅利關機。抱器心自許。成功世乃知。吾宗爲瀚祓。枯本更生輝。背城儻倖一。觀我凱旋歸。

題石恪畫機織圖

元符三年

荷鋤郎在田。行餉兒未返。終日弄鳴機。恤緯不思遠。

以皮鞭底贈石推官三首

元符三年
戎州作

道人不用琢。萬鏡自明已。願公勤此履。深徹法源底。

其二

毗盧足趺光。照耀世界海。旋嵐黑風起。到岸得自在。

其三

鼻孔隨人走。日中忽見斗。踏定太衝脈。壁上挂著口。

次韻錢德循鹿苑灘艤舟有作

建中靖國元年
荆南作

鹿苑灘頭秋月明。使君輟棹愛江清。塵埃一段思歸路。已聽荊州漁鼓鳴。

范德孺須筆哀諸工佳者共成十枝分送

崇寧二年
鄂州作

臨池聞道學書成。已許家雞勝伯英。雪竹霜毛分一束。開包何異五侯鯖。

予去歲在長沙數與處元實相從把酒自過嶺來不復有此樂感歎之餘戲成一絕

崇寧四年宜州
作處元名邁元

實名
溫

元霜搗盡音塵絕。去作湖南萬里春。想見山川佳絕地。落花飛絮轉愁人。